

集部

欽定四

書 集部

绿 監生日 黄魁 軍

胨

詳校官中書日陸 湘

助教臣常循覆勘


人一日二八八 欽定四庫全書 **大選顏鮑謝詩評** 提要 考集中顏延之三月三日侍海曲阿後湖作 論次諸家書目皆不著録惟永樂大典載之 之鮑照謝靈運謝賭謝惠連謝朓之詩各為 臣等謹案文選顏節謝詩評四卷元方回撰回 有續古今考已著錄是編取文選所録顏延 大庭前歐海野師 集部、 總集類

全りせば 1. J. E 集八首評曰規行短步整砌鞋點而成無 回手書之册後人得其墨迹録之成帙也 評無可繁屬故後人又為補蘇也則此集益篇與此評不合益不戴本時則所 圈點故余評具詩而不書其全篇案此本 評回所以書此詩者有二义謝靈運擬都 眼之詩未可以望謝靈運也又北便洛一首 撰流全律髓持論頗偏此集所評如謝 首評曰本不書此詩書之以見夫彫續 提曳

べこりっ ----坡畝五臣誤註三殇其賈乃是李善顏延之 外則不復居晉土耶謝暗張子房詩評回東 司冀幽并七州都督再謂晉有七州而揖其 故云七州余謂不然此指謝玄所解徐充青 運詩多取其能作理語又好標一字為句眼 七州外謂舜分天下為十二州時晉有七州 謝靈運述祖德詩第二首評曰文選註高揖 仍不出宋人窠臼然其他則多中理解又如 文選旗統解詩評

通りせんノニを 鳴笳則未考晉書夏統傳評鮑照行蔡至城 起也此意似頗未通亦問有所考訂至於評 **惧引杜詩評謝朓郡内髙齊間坐答日法曹** 東橋詩謂行樂為東與還來看樂欄之意則 為題亦泛言任官善註乃引韓曰陳王者所 謝靈運九日戲馬臺送孔令詩謂鳴段當作 而云王畿恐是延之一時寓言雖以秋胡子 秋胡詩評曰秋胡之仕於陳止是魯之鄰國 提安

欠てコリニショ 月恭校上 殆作於晚年所見又進敷乾隆四十六年七 附會随潛婦去來詞小小好漏亦所不免要 詩謂或以為岫本訓穴以為遠山亦無害則 不害其大體統觀全集完較流全律髓為勝 文進願此掛詩計 總 總暴官臣紀的臣陸錫能臣孫士教 校 官 臣 陸 賞 墀



ころ・ハラ 50% 及萬傷晉師仲連却秦軍臨组 人雲無抱在 大選顏絕對持奸 齊物性而不缨垢系段 方回 撰

論改服康世屯屯難既云康尊主隆斯民 乍不緤對珪寧肯分惠物解所賞勵志故絕人苕茗歷 丁載遥遥播清塵清塵竟誰嗣明哲時經綸委講綴道 虚谷曰靈運之意似謂乃祖功大賞簿立此高論 子名位太盛又懼桓氏失職怨望乃以桓石民為荆 桓冲卒朝議欲以玄為荆江二州刺史謝安自以父 鋒都督蓋神即也劉牢之謝琰功亦亞玄明年二月 元八年十一月謝玄破苻堅謝石為大都督玄為前 太

金クロノ

中原告丧亂丧亂豈解已崩騰永嘉未逼迫太元始 次之四事 八丁 世運遠圖因事止高揖七州外拂衣五湖裏随山疏 由道情愈暴資神理秦趙欣來蘇與魏遲文軌賢 無反正江介有城北萬邦咸震懾橫流 守入則為相位不輕也 刺史晉之州刺史如漢之州牧而帶都督軍事統十 数郡猶近世制置使宣撫使而權尤重可以自 州 桓石虔為豫州桓伊為江州而玄亦為徐兖二州 文選術勉納許却 靈運此詩似是虚言 **賴君子拯** 稄 相 郡 河 溺

潭傍嚴數粉梓遺情拾塵物貞觀丘壡美 開拓中原以徐光二州刺史謝玄為前鋒都督師 虚谷曰太元九年八月謝太保安奏請乗将氏傾敗 守滕恬之渡江據黎陽朝廷以克青司豫既平加立 野城郵五緣切濮陽河南城堡皆来歸附太保安自 棄彭城走立進據彭城九月彭城內史劉牢之進 州刺史桓石虔等伐秦玄至下邳秦徐州刺史趙遷 北征加都督揚江等十五州諸軍事玄遣晉陵太

シスプー ショ 准除十二年正月以朱序為青充二州刺史代玄鎮 為衛將軍十一年三月黎陽程遼太山張願叛玄選 领揚州刺史銀尚書都督中外諸軍事尚書令謝石 之築来城八月以疾還建康卒道子以司徒瑯琊王 米二千斛十年四月中之為慕容垂所則自鄴徵還 **會榜王道子好專權與太保安有除安出鎮廣陵避 據碼敬滑臺荇丕請救玄遣牢之以兵二萬叛鄴饋** 都督徐充青司其幽并七州諸軍事十二月劉牢之 文選阿勉谢詩科

金ケロノ 彭城序求鎮准除以玄為會稽內史十三年正月康 靈運詩但稱乃祖高蹈之節恐非康公本心也文選 昏主嗜酒色無遠客委事道子此所以當中原潰亂 圖因事止謂瑯琊王道子與安不協也然亦孝武以 可乗之機以謝安為相玄石牢之為將而無所成也 二詩蓋專賦此事本末賢相謝世運謂安之殁也遠 樂獻武公謝玄卒十二月南康襄公謝石卒靈運第 注高揖七州外謂舜分天下為十二州時晉有七州

火二四軍八丁 公識 柄為望耳 史釋兵柄于內郡自是左遷然左亦當疾篤詔還京 并七州都督耳謂晉有七州而高揖于其外則不復 **居晉之土耶非也道子解玄七州都督而為會稽內** 故云七州子獨謂不然指康樂所解徐兖青司冀幽 口玄不以為怨而靈運微有怨辭蓋以已之不得朝 九日從公戲馬臺集送孔令詩一 文選颜熱樹持奸 · 首

西氾歡餘宴有窮逝矣將歸客養素克有終臨流怨莫 眷嘉節揚鑒戾行宫四筵霑芳醴中堂起絲桐扶光迫 幕無留無遵治有來鴻輕霞冠秋日迅尚薄清穹聖心 風至授寒服霜降休百工繁林牧陽彩密光解華叢巢 シノノに 散心數飛達 易曰讌亨君子有終吉養素之句用此佳 虚谷曰宋國建無晉君矣故二謝詩皆有聖心之語 謝宣遠

九日從宋公戲馬臺集送孔今詩一 謝靈運 首

瀾浮夥無緩載豈伊川途念宿心愧將別彼美丘園道 海帆脱冠謝朝列弭棹薄枉道指景待樂闋河流有急 光有多和樂隆所缺在宥天下理吹萬羣方悅歸客逐 季秋邊朔苦旅鴈達霜雪淒淒陽卉雕皎皎寒潭潔 辰感聖心雲旗與幕節鳴葭戾朱宫蘭巵獻時哲餞宴

喟馬傷薄劣

くううこと

文選顿此引寺平

君而晉安帝已非君矣故二謝皆以聖稱宋公然猶 運詩亦云良辰感聖心宋臺既建坐受九錫則裕為 留照遵治有來鴻者也宣遠詩有云聖心眷嘉節 虚谷口當時賦詩推謝膽宜遠詩為冠所謂巢幕無 有多和縣隆所鉄善用事又善用韻建安詩則不如 酒无咎詩府曰鹿鳴廢則和樂缺矣此詩云錢宴光 敦桓温之死以聖心為詩者能無患乎易曰有孚飲 立恭帝改元元熈至二年六月而後禪使裕脱有王

金安ロールとし

K.

队有神人謂曰起天子在門出見乃劉裕靖因結交 設當作鳴站孔靖南史有傳會稽山陰人據傳靖畫 以身為托蓋裕之私人若他人也豈敢于宋臺初建 物之意文選注腓音肥詩百卉具腓毛苌曰痱病也 為聖人造化以其許孔靖之歸得寬宥天下生養萬 而解尚書令乎此不足為髙 今本作腓字非韓詩薛君曰腓變也俱變而黃也鳴 大里川巴川寺平

此之細而必偶也在省吹萬用莊子語明已尊宋公

金好匹 城屋發掉西江與離會雖 觴矜飲餞指途念出宿來晨無定端別晷有成速頹陽 祇召旋北京守官及南服方舟折舊知對延 照通津夕陰暖平陸榜人 祖餞 王撫軍庾西陽集別時為豫章太守庾被徵還東 ノノート 首 謝宣遠 理行艫賴軒命歸僕分手東 相親逝川豈往復誰謂情 曠明牧舉

書盡言非尺牘 史見討被誅謝瞻謝遯及晦兄弟之子並死一人 **瞻避弟晦權盛求守豫章卒元嘉三年晦以荆州** 故知江不東向而北向故江之上水船必用北風 對漢陽軍江州西門出琵琶亭而出東門皆不見江 言大勢也其實北向而江分東西岸馬今鄂州西 京蓋江流大抵北向也江自南超北而曰江南江 虚谷曰此詩無甚佳處江左自上流趨建康則云北 文選顏勉辦詩評

新志音塵慰寂蔑 謝生應寡欲罕所闕資此永幽棲豈伊年歲別各勉 祇後出皇邑 金ダロジ 以禍 就裏林皎皎明秋月含情易為盈遇物難可歇積痾 虚谷曰懷舊不能發調義真延之慧琳也晉以來士 都里相送方山詩 نادادا 家雖宣遠之出無救于後來如此 謝靈運 相期憩疏越解纜及流湖懷舊不能發 一首 析 Ð

なるころ 詩意已可現云 真之死亦自不晦飲靈運又終身不自悔父其敗也 時情激之語耳美之等廢少帝殺義真自贻灰滅義 然靈運之為人非静退者徐美之傳亮排點盖其自 真之明靈運雖未必果有用為宰相之言史或難信 取懷傷不能發有不樂為郡之意資此永幽栖亦 負氣求逞于澆滴哀亂之世其顏枕漱設為虚談義 大夫喜誘易老莊而不知謙益止足之義率多懷才 文選前的湖清評

俱已矣江上徒離憂 **驂我恨望輟棹子夷猶廣平聽方籍茂陵將見求心事** 涧 金グロノハマ 去而已思之也廣平聽方籍謂范也茂陵將見求 庭張樂地滿湘帝子遊雲去蒼梧野水還江漢流 虚谷曰自洞庭張樂地以下六句 言湖湘 也王隱晉書鄭家字林叔為中即散騎常侍會廣 新亭渚别范零陵詩一首 謝女輝 欺 間諸郡范 謂 停

NA. - 1.1. 俱已矣必自有就不傳之私非所形容味雲去蒼梧 言范之聲譽方籍甚已則當求諸閒退之地也心事 世人罕用司馬相如病免家居茂陵故朓以自謂蓋 賢故復相屈在郡襄父泰字公業所謂鄭公業為不 亡泰始中終解司空者此廣平事比汲黯淮陽事而 郡蒙惠化且盧子家王子邕繼踵此郡欲使世不乏 野之句暗用舜殂落事得非以齊主為喻乎 平太守闕宣帝謂表曰賢叔大匠渾垂稱于平陽魏 女是質聽小時件

金げせいんなって 感代工幸來扶與王姊姊帳中畫輝輝天業昌鴻門 政 王風哀以思周道蕩無章卜洛易隆替與亂罔不亡力 史翻飛指帝鄉恵心奮干祀清埃播無疆神武睡三 在九門計愿暴三鸡息府經民思 靈鑒集朱光伊 詠史 蝕块下頭攙搶爵仇建蕭牢定都設儲皇肇允契 張子房詩 謝宣遠 JE. 消 幽

慕周行濟濟屬車士祭祭翰墨場虧夫違盛觀疎踊企 V. 1- 1.1. 康 像薦嘉當聖心豈徒甄惟徳在無忌逝者如可作揆 裁成被八荒明雨燭河陰慶霄薄汾陽鑒於歷頹寢 方四達雖平直塞步愧無良食和后做遠延首該 言周之哀第三韻力政吞九躬岢愚暴三殤以言秦 佐赋詩瞻為冠第 虚谷日劉裕義熙十三年舟師至項城遊張良廟僚 韻王風哀以思周道湯無章以 文二切的了寺下

重少四人全香 至第十韻叙美子房婉婉幕中畫一句世多用之為 光契幽曳翻飛指帝鄉皆住肇允翻飛蟾詩兩用此 語第十一 之暴東坡誠五臣誤注三獨其實乃是李善第五韻 戲馬而稱聖也裕之奪晉而自君也久矣後五韻惟 正又曰明兩燭河陰慶宵薄汾陽河陰汾陽堯舜所 門銷薄蝕块下殖機搶爵仇建蕭字定都該儲皇肇 居諛裕至矣又曰聖心豈徒甄不侍明年九日集于 韻至第十四韻歸美劉裕首曰神武睦三

里外結綬登王畿戒徒在珠旦左右來相依驅車出郊 既我從於願自此畢熊居未及好良人顧有違脱中 放幽開女作嬪君子室峻節貫秋霜明監作朝日嘉運 椅梧倾髙鳳寒谷待鳴律影響豈不懷自遠每相匹婉 行路正威遲存為久離別沒為長不歸嗟余怨行後 四達雖平直蹇步愧無良佳他平平 秋胡詩一首 颜延年 二三二四日十千年

誠思勞事 殿老高 向除孰知寒暑積 從所務窈窕接髙 **寝與日已寒白露生庭蕪勤役從歸願反路遵** 路超遥行 秋木素今也歲載華 树離歌起荒躁驚鳥從横去悲哉遊官子勞 遠潤音形雖為五載別相與昧平生拾車 遠究轉年運但良時為此別日月 随倪見榮枯歲 幕臨空房凉 柯傾城谁不顧珥節停中阿年 蠶月觀時暇桑野多經過 風起 山

金佐四月全書

防窮晨暮嚴駕越風寒解鞍犯霜露原隰多悲凉

てこうこ こう 如何久為別百行警諸己君子失明義誰與偕沒齒 颜高張生絕強聲急由調起自告枉光塵結言 申告難離居殊年載一別阻河闕春來無時豫秋至 色系榆時美人望昏至慙歎前相持有懷誰能已聊 依依造門基上堂拜嘉慶入室問何之日篡行来歸 調客此金玉聲高節難久淹揭來空復解遲運前途盡 寒明發動愁心閨中起長歎慘悽歲方晏日落遊 Ļ 一切也對于干 固終始 恆 用

往

路凫藻馳目成南金豈不重聊自意所輕義心多苦

金グロ 彼行露詩廿之長川汜 謂陟彼髙岡陟彼崔嵬陟攸砠矣三陟字颇巧原隰 別沒為長不歸犯蘇子卿語却用得好三防窮晨暮 虚谷曰此詩九章章十句颇傷于多陶淵明賦桃源 風味他所點者皆可雋永詩長篇為難九折更端 〈悲凉以下四句嚴墓臨空房以下四句頗有建安 ノ金書 美此詩及五君該顏詩之最也 軻何其簡而明也然此亦善鋪叙存為父離 李善文選注

シー・プロー ノー 謂詳細然秋胡之仕于陳止是魯之隣國而云王畿 欲官于陳故脱巾而結緩也能盡巾緩之義極佳又 皆博極羣書間亦有随文釋義者且如此詩脱巾干 東坡之所深許無一事不見本根無 恐顏延之一時寓言雖以秋胡子為題亦汎言任官 引東觀漢記江革養母幅巾及漢書蕭朱結綏事 里外結終登王畿注云中處士所服緩仕者所佩今 '意其注乃引詩緯日陳王者所起也此意似頗未 文選騙此湖持評 字不見來歷

金りにノイット 不妄如此 李善時尚有易歸藏也自昔枉光塵結言固終始下 朝期于効命下句喻與于恨深余謂此意謂有所激 五字亦作尋常看觀注乃知用公羊語結言而退又 通成徒在昧旦注引易歸藏曰君子戒車小人戒徒 者必出于不平耳 楚詞解佩鑲以結言周易歸妹人之終始前賢遣語 五君詠 髙張生絕經聲急由調起注上句喻立

啸若懷人越禮自熱衆物故不可論途窮能無慟 とこうと 俗迕流巍尋山洽隠淪鸞騆有時鍛龍性 阮公雖為跡識容鑒亦洞沈醉似埋照寓辭類託調長 散不偶世本自餐霞人形解 嵇 **阮步兵** 劉參軍 ---中 颜延年 散 文選問節明寺平 驗點仙吐 誰能 論 100 知凝神 馴 立

吕既鴻 向秀甘淡海深心託豪素探道好淵玄觀書都章句 **栾己心醉山公非虛觀屢薦不入官** 仲容青雲器實禀生民秀達音何用深識做在金奏郭 劉伶善閉閥懷情滅聞見鼓鐘不足歡榮色豈能敗 精口沈飲誰知非荒宴頌酒雖短章深表自此 阮始平 向常侍 攀嵇亦鳳舉流連河裏遊惻馆山陽賦 壓乃出守 見

金ダロアノノニア

・/・/ こくいち 時鐵龍性谁能則訴阮籍曰物故不可論途窮能無 精日沉飲誰知非荒宴此四句蓋自序也 動詠阮咸曰屢薦不入官一塵乃出守詠劉伶曰 竹林七賢山海王戎以貴顯被點該嵇康曰鸞翮有 虚谷曰沈約宋書顏延之領步兵好酒疎誕劉湛言 于廬陵王羲康出為永嘉太守延之作五君詠以述 詠史詩 鮑明速 一首 文選版範部詩評 五

金いし 城十二衢飛光各鱗次仕子影華纓遊客竦輕轡明星 五都 辰未稀軒葢已雲至賓御紛與沓鞍馬光照地寒暑在 時繁華及春媚君平獨寂寞身世兩相弃 京城之豪侈後四韻言子雲之貧樂蓋一意也明遂 寂寞之如此左太冲詠史第四首亦八韻前四韻言 虚谷曰此詩八韻以七韻言繁盛之如彼以 多為不得志之辭憫夫寒士下僚之不達而惡夫逐 矜財雄三川養聲利百金不市死明經有高位京 韻言

ここうらくこう 文選,謂身棄世而不仕世棄身而不任此語至佳 言長安矣君平獨寂寞身世兩相棄明遠以自歎也 青紫夏侯勝語此四句起柱也入京城十二衛則專 也言都會處千金之子不死于市陶朱公語明經取 立均官維陽邯郸臨淄宛成都也三川周京河洛伊 為五言古詩亦出于此參以建安體法 物奔利者之苟賤無恥每篇必致意于斯唐以來詩 人多有此體李白陳子昂集中可及而近代劉屏山 文題問絕射等汗 ナ六一 五都王养

思南紫戒其多 蘭立徒侍引苦柯美人您歲月遲暮獨如何無為牵 荡繁囿白雲屯曽阿景昃鳴禽集水木湛清華寒裳順 悟彼蟋蟀唱信此勞者歌有來豈不疾良将常蹉晚道 金ダロノノニ 越城肆願言屢經過迴阡被陵闕勘臺眺飛霞惠風 **涔**覽 避西池一首 謝叔源

...... 我不樂日月其除此所謂悟也韓詩伐木勞者歌其 襄赋云年有來而棄予此西池之追所以惟 恐其失 虚谷曰起句十字亦住毛詩蟋蟀在堂歲幸云莫今 拙 月所思也真桑楚謂南榮起無使汝思慮營營引此 以言且復行樂不必牽于思而過甚也意是而語 之也髙臺眺飛霞水木湛清華兩句俱佳美人愆歳 事此所謂信也有來謂將來之年也選注引陸雲歲 耳 支是項息衛行平 ナヤー 頗

金好四厚全書 映江月瀏瀏出谷處斐斐氣幂岫汝汝露盈條近 策共駢廷並坐相招要哀鴻鳴沙渚悲援響山椒亭亭 幽蘊遠視盪諠嚣晤言不知罷從夕至清朝 日落泛澄瀛星羅将輕撓憩榭面曲氾臨流對廻潮 澤中為瀛爾雅江決出復入為汜毛詩注可與語言 虚谷曰王逸注楚辭倚沼畦藏兮遥望博楚人名池 湖歸出樓中號月一首 謝恵連 骚 祛 輟

こうこ 王璽戒誠信黃屋示崇高事為名教用道以神理超昔 偶句叙情勝述景能如是者建安可近矣 句之內十二句對偶親的綺靡細潤然言景不可以 詩岩靈運則尤情多于景而為謝氏詩之冠散義勝 晤對也此悟字與晤同恵連少年工詩文此篇十六 無情必有近矚窥幽藴遠視盪諠鬒及未句乃成好 從将京口北 固應詔一首 謝靈運 大理師為衛子

金佐ロドナノグで 聞汾水遊今見塵外鎮鳴姑發春渚稅靈登山椒張 教撫志慙場苗工拙各所宜終以及林巢 曾是繁舊想 覽物奏長謠 倒景列筵 柳墟囿散红桃皇心美陽澤萬泉咸光的顧已枉維 虚谷口水經注京口丹徒之西鄉西北有别顧入江 接詩家絕景靈運出為永嘉太守清歲謝病去職 面臨水高十數文號口北固今鎮江府猶有北 赐歸制遠嚴映蘭海白日麗江阜原隰黄 組 固

J. 17.2 /15 禮樂之事也有道馬以神理起乎形迹之外則聖人 嘉三年既誅徐美之傅亮謝晦徵靈運為秘書監顏 所以制天下者也用此四句為柱引入黄帝藐姑射 且貴也此二事為名教之用耳推言之則玉帛鐘鼓 其秘書監從故有應豁之作靈運若曰玉以為璽所 延之為中書侍郎四年文帝如丹徒謁京陵靈運以 汾水之将以譬北固之識有老莊放逸意何不用虞 以戒誠信黄以為屋所以示崇高聖人非以此為富 文題顏勉的詩年

金少巴人 安詩豈有是哉皇心美陽澤以下八句言主上過于 住也倒景有兩說神仙家以日月皆在其下謂之凌 顧聞退方見誠論然作應招詩自來難作 春陽之澤物而已之拙不克工慙于場駒之維繫終 皆不過叙事述景如白日麗江皐佳句也老杜之遲 处守夏游豫事和自昔聞汾水将以至墟囿散紅 倒景今以山臨水而影倒謂之眺倒景孫綽天台山 日江山麗出于此原隰黄緑柳一 聯點而過于工建 如此已 為 桃

大いりこういす 緇鬢攬帶緩促於安排徒空言幽獨賴鳴琴 **您舊侣迷鳥懷故林含情尚勞愛如何離賞心撫鏡華** 步出西掖門遥望城西岑連障疊巘崿青翠香深沈曉 霜楓葉丹夕順嵐氣陰節往感不凌感來念已深羈雌 虚谷曰文選注永嘉郡射堂予謂自西射堂出西城 赋或倒景于重滨 晚出西射堂一首 謝靈運 文選 顏鮑 掛持秤

皆名佳句以其自然也節往感不淺感來念已深靈 之寬則何其威威之甚那安排莊子語郭象注謂安 運多有此句法感物而必及于情人理之常也不樂 真怙于道者哉 于琴書足以寫幽獨之無聊也意深遠而心恻愴豈 于推移此則謂安于世運之推移徒有空言不如寄 為郡而懷賞心之人至于撫鏡攬帶恨夫鬢之老衣 門也起句十字蓋古體晚霜楓葉丹與池塘生春草 2. 久離羣難處心持操豈獨古無問徵在今 聆波瀾舉目眺嶇燉初景革緒風新陽改故陰池塘生 潛虬媚幽姿飛鴻響遠音薄霄悅雲浮棲川作淵沈進 春草園柳變鳴禽祁祁傷幽歌萋萋感楚吟索居易永 智所拙退耕力不任狗禄反窮海卧痾對空林傾 虚谷曰池上樓永嘉郡樓此詩句句佳鏗鏘剎亮合 登池上樓 謝靈運 一首 文題 心射寺平 耳

金好四十十年から 句園柳變鳴禽及初景革緒風新陽改故陰亦佳句 言情又以四句賦早春時物不特池塘生春草為佳 謂已不能雲浮川沈有所處此詩體之變也進德智 也謂春之初日華冬之餘風春為陽冬為陰亦謂以 所拙退耕力不任詩不可無此等語又以四句紀事 是靈運第 春改冬也傷幽歌之祁祁感楚於之萋萋欲歸而 四也索居離羣又所以極言夫所思之人也惟無問 一等詩潜虬飛鴻深潜高舉虛設二喻 從 而

按此句之工不以字眼不以句律亦無甚深意與古 靈運于永嘉西堂思詩竟日不就忽夢見恵連即得 運之晚霜楓葉丹皆天然混成學者當以是求之 池塘生春草大以為工常云此語有神助非吾語也 **徴在今一句有病義真之於固係傅之無上靈運之** 如古詩及建安諸子明月照髙棲髙臺多悲風及靈 出猶得守郡本亦自取以為遯世無問則欺心矣史 避南亭一首 文題用息一诗件

金好四八分十日 所止哀疾忽在斯逝將候秋水息景偃舊崖我志誰與 青春好已觀朱明移感感感物歎星星白髮垂樂餌情 **時竟夕澄霽雲歸日西馳客林舎餘清遠峯隱半規久** 亮賞心惟良知 **海唇墊苦旅館眺郊岐澤蘭漸被徑芙蓉始發池未厭** 六日之郡在郡凡一年 隣里相送方山詩曰皎皎 虚谷曰永嘉郡南亭也按靈運詩永初三年七月 謝靈運 眀

塘生春草則在郡見春矣乃此夏雨喜零之作思欲 堂詩曰曉霜楓葉丹則在郡見冬矣池上樓詩曰池 少帝廢八月文帝即位改為元嘉元年所謂當心惟 見秋而歸也其歸當在景平元年秋景平二年五月 始徵為秘書監 秋月此赴郡之始在少帝即位未改元之前也西射 遊赤石進帆海一首 知以指從弟惠連及何敬瑜羊豬之之流耳三年 文廷 頂絕 射寿平

金女四尾至是 魔倦瀛壖况乃凌窮髮川后時安流天吳静不發揚 采石華挂席拾海月溟漲無端倪處舟有超越仲連 首夏循清和芳草亦未歇水宿淹晨暮陰霞屢與沒 言終然謝天伐 齊組子年番魏闕矜名道不足適已物可忽請附任 虚谷曰首夏猶清和至今以為名言贏嬬海之邊岸 南極海中 謝靈運 有窮髮之人天吳水伯也其獸八首

ここくこと ハニチ 忽之可也以物為人物之物但知適已而忽物則 舉仲連子年一是而一 組而至海上明海上可悦既悦海上恐有輕朝廷之 議故云子年者魏闕予謂靈運意不然其意乃是雙 對作也仲連輕齊組子年者魏闕文選注謂仲輕齊 可矜也適已者物可忽忽字未安以富贵為外物 席古詩未尚大巧故不嫌異辭而同義猶前詩用妮 文廷 項絕射清評 非之矜名者道不足名固不 盂

八尾背黄青石華海月皆海中可食之物楊帆挂

金好四十 直木先伐甘泉先竭其意者飾智以矜愚云云故 免也此寓言不足憑靈運所以不能謝夭伐者豈非 任公言亦出莊子謂孔子圍于陳大公任往弔之曰 終有偏處靈運之病正在于恣已自適輕忽人物 于聖門之學有所不足哉 可也適已之說史記謂莊子也晉宋間人老莊之學 石壁精舍還湖中作一首 謝靈運

自輕意恆理無違寄言攝生客試用此道推 送映蔚蒲稗相因依披拂超南運愉悦偃東扉處潛物 一谷日尚早入舟陽已後林壑敛瞋色雲霞次夕霏芰荷 昏旦變氣候山水含清脾清脾能娱人将子膽忌歸出 くこうこうに 能速也至其所言之景如山水含清輝林壑敛腹色 **愿澹物自輕意恆理無違如此用工同時諸人皆** 虚谷曰靈運所以可觀者不在于言景而在于言情 及他日天高秋月明春晚緑野秀于細客之中時出 大進順節期等年 五五

林羅户穴積石雄階基 連嚴覺路塞塞行使徑迷來 晨巢尋絕壁夕息在山棲疏峯抗高館對嶺臨廻溪長 金ケロルとうも 别理守道自不攜心契九秋於目玩三春黃居常以待 忌新街去子感故蹊活活夕流 駛 曒 夜後啼沈冥豈 自然不皆出于織組顏延年鮑明遠沈休文雖各有 長不到此地如石壁地名之類自可看文選注 登石門最髙頂一首 謝靈運

こうシ 終處順故安排惜無同懷客共登青雲梯 靈運每有賞心之嘆即義真所謂未能忘言于悟賞 然靈運又豈能處順者哉惜無同懷客共登青雲梯 死秦失吊之曰適來夫子時也適去夫子順也安排 已見前注排者推也能處順故安于造物之推移也 此全語曰居常以待終恐靈運非貧者也莊子老耶 贫者士之常死者人之終居常待終何憂哉靈運用 虚谷曰此詩密竹使運迷已似唐詩新序榮啟期曰 **走題斯施計寺平**

金好四十八人生 朝旦發陽崖景落憩陰峯舍舟眺迴渚停策倚茂松 既窈窕環洲亦玲瓏倪視喬木抄仰聆大壑灇石横 真守道之說自處高矣馬得不為俗人所忌 于斯心契目翫 者然則賞一也有獨赏有共賞靈運思夫共賞者而 不可得則以獨賞為憾此尾句之意也亦篇篇致意 於南山往北山經湖中瞻眺一首 謝靈運 聯謂內其實而外其華先之以沈 側

緑華新蒲含紫茸海鷗戲春岸天雞弄和風撫化心無 水分流林密蹊絕蹤解作竟何感升長皆丰容初望哉 賞奏理雄通 厭覽物眷彌重不惜去人遠但恨莫與同孤遊非情歎 こころ 半たり 虚谷曰此詩述事寫景自天雞弄和風以上十六句 古人也不惜者深惜之也以獨将山中今人 有入住句可膾炙然非用無化覧物一 議論無歸宿矣此靈運詩萬妙處不惜去人遠 大災怕的掛持好 聯以繳之則 ŧ 八無可 謂

狻鸣誠知曙谷幽光未 顯嚴下雲方合花上露猶汝逶 金りロルノニ 南山陰峰謂北山解作謂雷雨升長謂草木用兩卦 與通乎意極哀悅柳子辱永州諸詩多近此陽岸謂 同者也孤游非情数赏廢理誰通謂已之獨游于此 名為偶建安詩無是也 不以真情形之嘆颉則赏心之事之人既廢此理 從斤竹澗越嶺溪行一 謝靈運 - 首 誰

大きるすべいず 結折麻心莫展情用賞為美事昧竟誰辨觀此遺物愿 飛泉攀林摘葉卷想見山阿人薜蘿若在眼握蘭勤徒 **屋逕復垂流翫迴轉蘋萍之沈深旅蒲冒清淺企石挹** 悟得所遣 蘿語以懷所思之人握蘭折麻將以遺之心徒勤而 虚谷曰七韻言游山之事四韻言情借楚詞山鬼薜 不展也情用赏為美謂将山之情已獨赏矣而無 文運廟勉掛持奸

遊傍限與追遞防阻峴過澗既厲急登棧亦陵緬川渚

分别者 殆先兆也 顧不服 憂其不察也以此 觀之物愿 麻兮瑶華將以遗兮離居踩麻神麻也 |矣然則伐木開選以致王誘之疑孟顗之奏此 胡庭切連山中斷曰阻積小高曰見賢典切折 應話觀北湖田牧一 心共賞之者則何美之有如此則其事幽昧 與于到于六二切即限也江東人謂之消 說調吾之真情以賞知此山為美事不 K 首 可遗而是非 而 明 無

, (a.) Cars 語務翠亦总什息黎報嘉歲通急戒無年温渥次與 界非經牽 **租物殘悴盈化先陽陸團精氣陰谷曳寒煙橫素既森** 互流綴缇殼代廻環神行埒浮景爭光溢中天開冬眷 和恵屬後筵觀風父有作陳詩愧未妍疲弱謝凌遽取 暉膚順動清蹕巡廣廛棲觀眺豐顏金駕映松山飛奔 周御窮轍跡夏載歷山川蓄軫豈明懋善遊皆聖仏帝 颜延年 **大選傾絕谢請評**

金ダロアハイラ 仙注云蓄勢不行豈是欽明懋德之后善遊天下時 樂将死晉時藥園元嘉中築提壅水名為北湖集 是客聖神仙之君能通詩意而理則無是也前 集今皆無之矣詩第二韻曰蓄彰豈明懋善遊皆聖 虚谷曰此詩十三韻無可取文選注丹陽郡圖經曰 注曰聖謂夏禹仙謂周穆亦巧 曰周御窮轍迹夏載歷山川言周穆王夏禹此乃復 元嘉十年也予謂李善時有丹陽郡圖經有顏延之 韻 曰

險去漢夷於衛徙吳京流池自化造山關固神營園縣 玄天高北列日觀臨東滇入河起陽峽踐華因削成嚴 車駕幸京口侍遊蒜山作 颜延年 首

故里处駕市舊切防峰騰輦路尋雲抗瑶患春江壮 極方望邑社總地靈宅道炳星維誕曜應辰明客思

祥習在卜征周南悲昔老留滞感遺的空食疲節肆

文監頂勉射寺甲

티

涛蘭野茂梯英宣遊弘下濟窮遠凝聖情嶽濱有和會

鱼好四户全古 稅事嚴耕 虞風載帝狩夏諺頌王遊春方動辰駕望幸倾五州山 皆冗而晦 神營化造神營四字可用表江壯風濤蘭野茂稊英 虚谷曰此詩十三韻第四韻云池流自化造山闕 上一句佳末韻空食旋廊肆反稅事嚴耕亦平平他 車獨幸京口三月三日侍遊曲阿後湖作一首 顏延年 固

判點河激獻趙誕金練照海浦姑鼓震溟洲貌盼親青 くうう 川嶽徧懷柔 **角行衛干翼汎飛浮形雲麗斑益祥飚被絲存江南進** 祇 崖街漾觀緑畴人靈騫都野鱗翰聳淵丘徳禮既普洽 满眼之詩未可以望謝靈運也山祇之輝水若之 鋪錦列繡目之是也本不書此詩書之以見夫雕 **暉崎路水岩警滄流神御出瑶軫天儀降藻舟萬軸** 虚谷曰此詩十一 1.15 韻偶句柳比全無頓挫鮑明遠以 文選颜勉別詩評 主

金文四だろう 懼之意都野民靈所居淵丘麟翰所聚予以正文避 意何人靈霧都野鱗翰聳淵丘文選注調審貸皆驚 境元嘉二十六年作 縣下陳敏引水為湖四十里號曰曲阿後湖今常州 唐太宗名以民為人其語破碎無意晉陵郡之曲阿 不以字為眼瑶粉藻舟又非不麗下句皆爾如無 行藥至城東橋一首 鮑明遠

雞鳴開吏起代鼓早通晨嚴車臨迥陌延職歷城置蔓 シンフ・ こう 灼孤賤長隱淪容華坐消歇端為誰苦辛 遊官子營管市井人懷金近從 利撫劍遠解親爭先萬 草緣高偶修楊夾廣津迅風首旦發平路塞飛塵擾擾 里塗各事百年身開芳及雅節含采各驚春尊賢永照 樂有二義晉宋間人服寒食散之類服樂矣而将 虚谷曰此亦不得志詩雞鳴四句站自叙早行也行 以消息之行藥者老杜詩乗與還來看藥棚蓋行視 之選颜勉謝詩評


書傳曰各惜也虚谷竊謂各字可疑豈以上文有各 春花葉以盛盛必有哀固所當惜也又引乳安國尚 草之開芳宜及少節既以含采理惜騰春夫草之驚 奔競也故曰爭先萬里途各事百年身下文曰開芳 花草藥物之義亦通蔓草以下叙景述事言早起之 事百年身故于此句避各字以為各字乎以愚見決 及稚師含采衣驚春文選注吝字殊為費力其說曰 人不為仕宦即為井市懷金撫劍近遠不同而同于

金ダロン

a) /1 當時之所謂尊而賢者久永光顯吾曹之孤而賤者 求此語謝靈運未之及也 则终于隐淪坐成哀老為誰而空苦卒也故曰此亦 皆有驚春之色以譬夫仕官撫劍市井懷金之徒然 行樂之際見夫開芳含来之樂物及乎未老之時而 不得志之詩 之當作問苦及稚節含果各驚春為是此蓋有感于 聯甚住羲之各許詢曰爭先非吾事靜照在忌 鮑的詩且未論却于注中得王義之 大運動物 以等下 主

芳春酒還望青山郭 樹晚什什生烟紛漠漠魚戲新荷動鳥散餘花落不對 戚戚苦無悰攜手共行樂尋雲防累榭随山望菌閣遠 動は四月全書 煙之聯尤佳魚戲新荷動鳥散餘花落佳之尤佳然 佛元氣甚矣陰錐何遊庾信係陵王褒張正見梁簡 虚谷曰朓有莊在鍾山故曰将東田起句佳遠樹生 遊東田一 謝玄暉 首

ラス・フラ 歲至于齊而立暉出馬唐子西之論有古哉 語句靈運惠連在宋永初元嘉問猶未甚也宋六十 薛道衡諸人詩皆務出此而唐人詩無不襲此等 文題频絕掛詩評 彭



十五页前三行 文選顏能謝詩評卷一考證 三十三頁前一行 參考 作聽翮知有鍛或因當日所見之本不同亦可以備 亦同方氏改吝為各似有所見存考 案鸞翮有時鐵据今本文選改原本 案各今文選本俱作吞殊難解注

火定四車全書

大選領範閣詩評考證

				<u> </u>
	- ; 7	7 - 7 - 7 - 7		7
I		l 1	1 1	-
1	1	1	1 h	-
i		l I	1 1	
	1	l I	1 1	1 1:
1	1	1 1	1 1	1 1
	1	1 1		1 1
1 1	1	1	1 1	1 1.
		1 1	1 1	1 1
1	i i		1 1	-
' 1	1	1	1 1	-
i	1	1 1	1 1	-
	1	1 1	1 1	1 1
	i		1 1	-
1	1	1 1	1 1	
l	- 1		1 1	
i i		1	1 1	1 1
1	l l			1 1
	1	1	1 1	1 1
	- 1	1	1 1	1 1
	- 1	'	1 1	
		1	1 1	E
	1	1 1	1 1	1 1.
		1 1	1 1	1 1
1	- 1	1 1	1 1	1 1
1	1	1 1	1 1	1 1
1	- 1	1 1	1 1	1 1
. 1	i i	1 1	1 1	
1	1	i i	1 1	1 1
i	ı		1 1	
	1	1 1	1 1	1 1
1 1	I	1 1	1 1	
1 1	1	1 1	1 1	1
1 1	- 1	1 1		
1 1		1 1	i	1 1
1 1	i i	1		1 1
1 1	1		1 1	1 1
' }	1			1 1
· i	1	1 1	1 1	1 1
į į	I	1 1		1 1
j I	i	1 1	1 1	-
		1 1	1 1	1 1
l i		1 1	1 1	
· ·	1	1 1	1 1	1 1
í	1	1 1	1 1	1 1
	1	1 1	1 1	1 1
: 1	1	1 1		1 1
. '	·		! !	L !
		·		

大い可見しいす 皎天月明奕奕河宿爛蕭瑟含風蟬家 欽定四庫全書 詠懷 生無志意少小嬰憂患如何乘苦心矧復值秋晏皎 文選顏飽謝詩評卷二 秋懷詩一首 謝惠連 大選顏施謝詩評 方回 撰

動清 かいに 白首數因歌遂成賦即 朋 偃 義無兩旦金石終銷毀丹青繋彫煥各勉玄裝歡無 來當染翰高臺縣登踐清淺時陵亂顏魄不再圓 無 用 取白衣官未知古人心且從性所翫賓至可命 置孤 谷曰紧寬夫詩話謂晉宋間詩人 "者如劉越石宣尾愬獲麟西狩泣 ,味前算雖好相如達不同長卿慢頗悦 燈暖幽幔 脉 用布親串 愿積展轉長宵半夷 有 乳丘謝惠連 名而 險 鄭 觞

7. 7. 17. 雖好相如達不同長卿慢等語若非前後相映帶殆不 益後學者如此金石終銷毀丹青蹔彫煩此十字極 衣尚書之號則所不取意本自住長卿慢係押韻慢 扇此亦可笑者也於司馬相如長卿取其達而不取 字有來歷嵇康高士傳讃曰長卿慢世此文選注有 其慢於鄭均仲虞取其乞骸告歸而受尚書禄有白 於管仲齊桓有召陵之師邇於易牙小白掩陽門之 可讀予謂唐初猶有此風李延壽南史恩倖傅有云謀 文題版色動方部

言懷君子沉痛結中腸道消結憤懣運開申悲涼神 恒若在德音初不忘祖謝易永人松栢森已行延州 晓月發雲陽落日次朱方含悽泛廣川灑淚眺連崗眷 金厅四层全章 哀傷 許楚老惜蘭芳解劍竟何及撫墳徒自傷平 佳丹青謂圖形 廬陵王墓下作一 謝靈運 首 期

歎不成章 天杠特兼常 通蔽互相妨理感深情慟定非識所將脆促良可哀 知昔人之非蔽也靈運詩此篇未為致佳 帝既立可以申 寫悲涼通蔽本桓譚語論漢高者令 舉措異常若通人之蔽者然今日之働情理如此則 用之以明季札之於徐君楚老之於龔勝解劒惜蘭 虚谷曰道消謂義真被殺則以鬱結憤遊運開謂文 隨往化減安用空名揚舉聲泣己灑長

Cr. Dr. Chille

文塞領鮑謝詩評

金グロルノニー 積素復與昌運并思合非漸清荣會在逢迎風御嚴清 身義重晚達生戒輕否來王澤竭泰往人悔形軟躬慙 事体命始投迹陷王庭陪厠迴天顏朝燕流聖情早服 周德恭明紀漢道尊光靈哀敬隆祖廟崇樹加園堂建 朝駕守禁城東紳入西寢伏擊出東坰衣冠終冥漢 拜陵廟作一首]轉怒青松風遵路急山煙目壠生皇心憑容物民 颜延年

崎傾 思被歌聲萬紀載絃吹千 くこうにしんよう 虚谷曰此詩十七韻松風遵路急山煙胃耀生兩句 化萌幼壮困孤介末暮謝幽貞發軌喪夷易歸軫慎 帝上髙祖塚也 平平是處可用他切題處冗而晦無可書益從字 同 謝諮議銅雀臺詩 謝玄暉 文選顏絕謝詩評 載託旅旌未殊帝世遠己同 一首 29

襟染淚迹嬋媛空復情玉座猶寂寞况運妾身輕 金少四屋八百 總惟飄井幹镈酒若平生鬱鬱西陵樹詎聞歌吹聲芳 峬 虚谷曰文選注謝諮議璟銅雀臺曹操建安十五年 樹豈能聞歌聲益指操也楚解嬋媛王逸訓為牽引 **踩謂之繐南陽有鄧總幹音寒井欄臺之通稱西陵** 作於鄴都遗令吾伎人皆著臺上施六尺床總帳朝 登臺望吾墓田予謂此乃後人事靈筵之禮布細而 上脯精之屬月朔十五日軸向帳作伎汝等時時

こうしている 夕霽風氣涼閒房有餘清開 無物役寝者亦云寧忽獲愁霖唱懷 贈答 **狐艱深兹眷言情伊余雖寡慰殷憂暫為** 峇靈運 化揖 愧吾生 謝宣遠 一首 文選領鮑謝詩評 **十燭月露皓已盈獨**

繆結風微煙煴吐芳訊鴻漸隨事變雲臺與年 條繁林彌蔚波清源愈濬華宗誕吾秀之子紹前尚綢 霖詩也文選於忽獲愁霖唱下注云靈運愁霖詩宣 云示從兄宣遠今所謂五言集靈運集已亡不可考 軒滅華燭月露皓已盈以下不工 於安城苔靈運 謝宣遠 韻惟四句佳夕霽風氣涼閒房有餘清開 首 此詩答靈運愁

金グビ匠で言

輝方年一 復禮愧貧樂幸會果代畊符守江南曲履運傷在苒遵 量已畏灰朋勇退不敢進行矣勵令猷寫誠酬來訊 己對絲路有恒悲矧迺在吾爱跬行安步武鍛翮周數 各異築迢遞封畿外窈窕承明內尋塗塗既暌即理理 塗數編號布懷存所欽我勞一 仍豈不識髙遠違方往有吝歳寒霜雪嚴遐半路愈峻)飾嚶嚶悦同響親親子敦余賢賢吾爾賞比景後 12 ... 日長萎葉愛榮條涸流好河廣殉業謝成操 文題項目辦清平 何為肇光雖同規翻

黄制使委考擬試同幕制機夏士林以賢賢吾爾賞 虚谷曰文選注靈運贈宣遠序曰從兄宣遠義熙十 同規翻飛各異縣此所謂兩用者文選注下文窈窕 我親其親也我之賞靈運賢其賢也第四章肇允雖 為省題詩謂所試之賞也宜遠元意乃謂靈運之厚 章親親子敦予賢賢吾爾賞亦佳子向在金陵制幕 答第一章華宗誕吾秀之子紹前角此句典正第二 年正月你守安城其年夏贈以此詩到其年冬有

動定匹匠 全一言

De to wat to lo 盛始終有常退志然宣明坐誅併及兄弟之子則宣 量己畏友朋勇退不敢進亦住宣遠惡其弟宣明之 年始為祕書監則宣遠卒於豫章久矣第五章有云 大司馬行軍參軍永初三年始為永嘉太守元嘉三 **绿明内謂靈運為秘書監按此詩靈運當為瑡琊干** 透有子亦不免也 哀哉 西陵遇風獻康樂一首 謝惠連 文選顏絕謝詩評

感化别相送越坰林 飲餞野亭館分袂澄湖陰悽悽蜸 惑原疇曲記簿停旅通川絕行舟臨津不得濟**行**概 路威戚抱遥悲悲選但自拜路長當語誰行行道轉遠 子言眷眷浮客心迴塘隱艫機遠望絕形音靡靡即長 装候良辰漾舟陶嘉月瞻塗意少悰還顧情多關哲兄 我行指孟春春仲尚未發趣途遠有期念離情無歇成 風涌飛流零雨潤墳澤落雪灑林丘浮氣晦崖獻積素 去去情彌遲昨發浦陽內令宿浙江沿屯雲蔽自續驚

靈昔迎眷做尚不及宣何意衝飚激列火 辭滿豈多秩謝病不待年 積愤成灰海無宣将如何 風波蕭條洲渚際氣色少詣和西瞻與遊歎東睇起懷 住餘多瞻諄靈運荅此詩殊勝也 虚谷曰五章章八句僮有四句佳碛素 j 還舊園作見顏范二中書一 謝靈運 文選領能制寺平 -偶與張邴合久欲還東山聖 首

心恆三 更穿果木有舊行壤石無遠延雖非休憩地即取永 衛生自有經息陰謝所牽夫子 康屯連殊方感成質微物豫采甄感深操不固質弱 石林豈為艱関中安可處日夜念歸於事職兩如直 纏的是反告園語住實款然最基即先築故池 一避賢託身青雲上樓嚴挹飛泉盛明邊氣昏貞 -餘燎遂見遷投沙理既迫如邛願亦愆長與懼 一緣浮舟千仞壑總轡萬尋巓流沫不足 日

銀行四丁

といすころいす 虚谷曰此詩二十一 帝撰為秘書監今乃酬素敖而還故園也最基即先 廣也後三韻平平繳尾然終有伐山開運不自收飲 韻先言武帝舊眷而徐傅廢弑因以見點次五韻言 歸始寧時宅墅之役大盛己招物論故誓不再行增 築故池不更穿果木有售行壤石無遠延當是水嘉 叔教三避賢皆善用事盛明盪氛昏以下四韻言文 白永嘉郡得歸賈誼投沙馬柳如邛史魚两如直孫 一韻初兩韻引張那事為桂次五 文選觸絕謝詩評

多りにアノニー 流袂就判欲去情不忍 顧望 服未悄汀曲舟己隱隱 /悔何邪 登臨海嶠初發殭山 **系纜臨江樓豈惟夕情飲憶爾共淹弱淹萬昔** 首 謝靈運 棹逐驚流欲抑 山山遠行不近與子別山阿含酸赴修畛 生散并奔千里遊日落當 思連見羊

發清溪陰腹投則中宿明登天姥岑髙島入雲霓還期 那可尋償遇浮丘公長絕子微音 哀猿響南巒戚戚新别心悽悽久念攢攢念攻别心日 散復增今日數兹情己分慮况迺協悲端秋泉鳴北澗 虚谷曰此當是四章章四韻而文選不注羊何共和 **作肩陸彦聲詩曰相思心既勞相望脰亦悁謂引頭** 含酸赴修畛謂長路也作軫非顧望脏未悁悁字當 之實李白首用為詩後人多用謂羊璿之何敬瑜 7. 1 7.1 文選師一分十年

絕賞心望長懷莫與同末路值令弟開頹披心胷心胷 寝察謝人徒滅迹入雲奉 嚴堅寓耳目歡愛隔音容永 云披意得成在斯凌澗尋我室散帙問所知夕慮院 仙飛舉則與惠連永絕音問也 浮工公接以上嵩山末句用此事殆亦戲言萬 以望未勞而身已隱也列仙傳王子喬好吹笙道 酬從弟惠連|首 謝靈運

乳炭匹属全書

遊遊山桃發紅萼野蕨漸紫道鳴嚶己悦豫幽居猶鬱 波子行遲務協華京想詎存空谷期猶復惠來章祇足 果枉濟江篇辛勤風波事敖曲洲渚言洲渚既淹時風 月流朝忌臐日馳悟對無厭歇聚散成分離分離別西 陶夢寐竹歸舟釋我吝與勞 攪余思儻岩果歸言共陶暮春時暮春雖未交仲春善 川迎景歸東山别時悲己甚别後情更延傾想遲嘉音 こううこ 虚谷曰惠連五章已評在後詳此乃是惠連訪靈運 文選補絕對為平

舒定匹尼全書 廣國華敷言遠朝列德輝灼邦懋芳風被鄉耄側同幽 一縣九泉間鳳窺丹穴歷聽宣多工唯然觀世哲舒 水記方流炭源載圆折蓄實每布聲雖松猶彰徹 流麗 而靈運答也 於始寧山居别去将往都下至西與阻風以詩來寄 贈王太常一 瀕延年 一首 筆寫就如書問直道情樣既委曲又

悲來非樂閱屬美謝繁翰遙懷具短礼 **陰山明望松雪静惟浹羣化徂生入窮節豫往誠歡** こうえ 居郊扉常畫閉林問時晏開五迴長者報庭旨見野 達側同幽人居郊扉常畫閉林問時晏開巫田長者 華敷言遠朝列徳輝灼邦懋芳風被郷耋此稱王僧 虚谷曰此詩十二韻玉水記方流璇源載圓折事 尸子凡水其方折者有玉其圆折者有珠舒文廣國 此四句謂僧達來訪然錯綜互對古未見之昔也 1.1. 文題觸絕附詩評

金定正广全下言 炎天方埃鬱暑晏闋塵紛獨静闕偶坐臨堂對星分側 聽風薄木遙睇月開雲夜蟬當夏急陰蟲先秋聞歲候 初過半荃蕙豈久芬屏居惻物變慕類抱情殷九逝 郊扉常晝閉以側同幽人居也今也林問時晏開以 所居下 虽明長者轍也庭昏 見野陰山明望松雪延之自述 夏夜呈從兄散騎車長沙一首 颜延年 句始自然

ストすことから 皇居體環極設險祇天工兩聞阻通軌對禁限清風政 空思七襄無成文 其名 五言集曰從兄散騎字敬宗車長沙字仲遠今不知 過半荃蕙豈久芬四句可書陰點一句尤佳文選注 虚谷曰此詩七韻夜蟬當夏急陰蟲先秋聞歲候初 直東宫答鄭尚書一首 颜延年 文選願鮑謝詩評

藹青闕皓月鑒丹宫踟蹰清防密徙倚恒漏窮君子吐 芳訊感物惻余衷惜無丘園秀景行彼高松知言有誠 貫美價難克充何以銘嘉駅言樹絲與桐 旅東館徒歌屬南塘寢與鬱無己起觀辰漢中流雲 虚谷曰此詩十韻惟流雲謁青闕皓月鑒丹宫一言 東宫一言中臺齊整他皆可及文選注鄭鮮之字道子 和謝監靈運一 顏延年 首

金万里庭人

究解棲分馥歇蘭岩清越奪琳珪盡言非報章即用布 辣開舊畦物謝時既晏年往志不偕親仁敷情呢與玩 崎曷月赡秦稽皇聖昭天徳豊澤振沉泥惜無爵雉化 洲浦褐帝蒼山蹊倚嚴聽緒風攀林結蛋美政予間街 良時設王道奄昏霾人神幽明絕朋好雲雨乖弔屈汀 告选多幸東筆侍兩閨雖蛇丹獲施未謂玄素縣徒遭 弱植慕端操窘步懼先迷寡立非擇方刻意籍窮棲伊 何用充海淮去國還故里幽門樹蓬藜采茨葺昔字翦 てい しゃっとこ 文是領鮑衛寺平

所懷 金好匹足全言 書監其先二人俱為廬陵王義真所服高祖崩少帝 字皆有來歷謂如弱植則子產語其君弱植端操 楚解內惟省以端操寫步則楚解夫惟提徑以寫步 立徐美之等屏二人出為始安永嘉太守在永初三 虚谷曰延之元嘉三年徵為中書侍郎靈運徵為秘 文帝召用延之自始安還朝至此贈咨延之詩用事因 年秋景平元年秋靈運謝病歸會稽至是徐傅既誅

2.5.1.1.1. 帝召用慚已無補去國以下六句言解郡還家補算 **跛予曷月字摘毛詩用之尤雅皇聖以下四句言文** 玄素以喻己節徒遭以下四句言少帝昏亂衣冠乖 學者不可不知也此四句延之自謂也伊昔以下四 窮棲無全出處方字樓字經傳皆有之此用字之法 阻吊屈以下六句言出為遠郡在湘思越有懷靈運 句言向來立朝兩閨謂東宫尚書省丹獲以喻君恩 先迷則易先迷失道寡立出尚子刻意出莊子擇方 文置百絕動等平 t T

金烷匹匠全言 恐延之未敢到也如桃李春風一盃酒江湖夜雨 遊子澹忘歸天趣流動言有盡而意無窮似此之類 字非不密矣以鮑昭之説裁之則謂之雕績滿眼 售隱有遲暮之歎親仁以下四句稱靈運贈詩歇奪 年燈未是山谷竒處石吾甚愛之勿遣牛礪角牛 故曰非報章此詩凡七八折鋪叙非不整美用事用 也如靈運詩昏旦變氣候山水含清暉清暉能娛人 一字俱住尾句謂盡言非報章自撰不足以敢靈運

天三百軍八書 ~ 美無度孰為勞寸心惠而能好我問以瑤華音岩遺 出衆鳥散山與狐猿吟已有池上酌復此風中琴非君 結構何迢遰曠望極髙深窻中列遠岫庭際俯喬林 世無其人惟趙汝譡近三謝猶有梵砌之迹而失於 舒緩步步規隨無變化之妙云 角尚可牛關殘我竹乃山谷竒處也學者學選詩近 郡内髙齊閒坐峇吕法曹一首 謝玄暉 支選顏絕樹詩坪 ナカ

門步就見玉山岑 虚谷曰郡宣城郡也柳子厚詩曰遙憐郡齊好謝守 明之意不亦狹乎山谷當用之總中遠岫是眉黛席 但臨總用牕中列遠岫事也或以為岫本訓穴謝宣 金門言宫省王山言隱處一出揚雄解嘲一出穆天 福花皆舞裙山有城有穴以曲為遠山似亦無害 誤用此字予以為雲無心而出岫若專言穴則淵 以瑤華音問鰓遗也左傳問以弓詩雜佩以問之

友心可奉心一一 准陽股肱守高卧猶在茲况復南山曲何異幽棲時連 陰威農節臺笠聚東酯島閣常畫掩荒指少諍解珍 沉朱實秋竊折輕絲良辰竟何許夙昔夢佳期坐嘯 積為邦歲已春絃歌終莫取撫几令自嗤 子傅 清夏室輕扇動涼飑嘉勢即可薦渌蟻方獨持夏李 在郡卧病呈沈尚書 謝玄暉 文選領絕鄉的評 一首 t

こり レスノニュ 建武元年約之為吏部出東陽亦恐與賺同時而約 陵王昭文立改為延與元年十月明帝鸞立又改為 守入為尚書意欲約引己入朝也其曰為邦歲已春 虚谷曰起句二 則補郡合在鬱林王昭業之隆昌元年七月被弑海 **辰竟何許夙告夢佳期此十字乃是見約自東陽太** 下十句叙事述景叉岩誇太守之樂然下文乃云良 | 韻謂卧病治郡如汲黯不異棲隠以

シニオニノニ 擊時前委嚴霜寄言罻羅者寥廓己馬翔 麗媽鵲玉繩低建章驅車門門外思見昭丘陽馳暉不 河曙耿耿寒渚夜蒼蒼引領見京室宫雉正相望金波 >接何况隅两鄉風雲有鳥路江漢限無梁常恐鷹隻 江流日夜客心悲未央徒念關山近終知反路長秋 虚谷曰南史謂王秀之欲以故聞朓知之因事求還 蹩使下都夜發新林至京邑贈西府同僚! 謝玄暉 文選領統制詩評 一首

秋更緑公子未西歸誰能久京洛緇塵染素衣 霧朝清閣日肝坐彤閣悵望一 梢枝早勁塗塗露晚晞南中榮橘柚寧知鴻雁飛拂 侯王也亦得用人主宫殿事乎 金波麗媽鵲玉繩低建章兩句豐麗用之子隆則諸 酬王晋安一首 此詩味尾句誠若得遠引之義然以江陵為京室 謝玄暉 塗阻參差百慮依春草

金厅口厅 生言

シュンロアー ノーニ 虚谷曰晋安郡今泉州故云南中荣橘柚寧知鴻雁 選注王晉安名德元公子未西歸謂晉安緇塵染 飛青閉恐當作青閣眺自謂朝超東宫王府之 衣跳亦欲出外也 文選顏絕謝詩評 7 類

		 	 	 	-
					金少旦屋人二十二
,		-			卷二
	ı				
-					_

大定四章之一丁 第八頁前三行 文選颜能謝詩評卷二考證 案感原畴今文選本或作盛亦可通 大選顏聽期詩許考證

		-				· · · · · · · · · · · · · · · · · · ·		==
								1
						ŀ	l	イン・ハレーハ とって
					1	Ì	i	1:
						1	l	1
!						1	1	1
!						1		1
							}	=
						1	}	7
						ŀ	ĺ	
ļ								
ĺ	-							ł
								1
; }	- 1							l.
								基二
	ŀ							-
	- 1			- 1				l
1		1						
: 1	- 1	-						l
1	ľ	- 1		i				ŀ
,	1	1		1				ł
	ŀ	Į		ĺ				ľ
1 1	- 1	l	- 1	1				
1 1	j	Ì		1				
;								
'	- 1	- 1	l	i	i			
1 1	1	Ì	1	İ				_
! i	l	j	ı	ı				
.		l	1	1				
! 1	1	- 1	1	!	}			
<u>!</u> .	'	1	!	- 1	1	1		